

PANEL DETHOL PWYLLGOR SAFONAU

Cofnodion y cyfarfod a gynhaliwyd ar 11 Ebrill 2019

YN BRESENNOL: Yn cynrychioli'r Cyngor Sir

Cynghorydd Gwilym O Jones
Cynghorydd Robert Ll Jones
Cynghorydd Margaret M Roberts (Cadeirydd)

Yn cynrychioli'r Cynghorau Tref/Cymuned

Mr Gordon Warren

Aelodau Annibynnol

Dr Teleri M Jones

WRTH LAW: Pennaeth Swyddogaeth (Busnes y Cyngor)/Swyddog Monitro
Cyfreithiwr (Llywodraethiant Corfforaethol) (MY)
Swyddog Pwyllgor (SC)

YMDDIHEURIADAU: Dim

Croesawodd y Swyddog Monitro Dr Teleri Jones i'r cyfarfod. Mae Dr Jones wedi ei phenodi fel aelod cyfetholedig o Banel Dethol y Pwyllgor Safonau.

1 ETHOL CADEIRYDD

Cafodd y Cynghorydd Margaret M Roberts ei hethol yn Gadeirydd ar gyfer cyfnod y broses apwyntiadau.

2 DATGANIAD O DDIDDORDEB

Ni chafwyd unrhyw ddatganiadau o ddiddordeb.

3 RECRIWTIO PEDWAR AELOD ANNIBYNNOL NEWYDD I WASANAETHU AR Y PWYLLGOR SAFONAU

Cyflwynwyd – adroddiad gan y Pennaeth Swyddogaeth (Busnes y Cyngor)/
Swyddog Monitro mewn perthynas â'r uchod.

Adroddodd y Cyfreithiwr (Llywodraethiant Corfforaethol) fod angen i'r Panel Dethol gytuno ar y meini prawf recriwtio a'r pecyn cais ar gyfer ymgeiswyr.

Adroddodd y Cyfreithiwr (Llywodraethiant Corfforaethol) y bydd y panel yn sgorio'r ceisiadau ac yn llunio'r cwestiynau cyfweiliad yn erbyn y meini prawf gosod. Bydd yr ymgeiswyr ar y rhestr fer wedyn yn cael eu gwahodd am gyfweiliad gan y Panel.

Trafododd y Panel y gofynion statudol ar gyfer y rôl ynghyd â'r meini prawf dewis lleol posibl. Rhannwyd copïau o'r disgrifiad swydd presennol â'r Panel er gwybodaeth.

PENDERFYNWYD fod y Panel Dethol yn cytuno i weithredu'r gofynion statudol yn unig fel eu meini prawf.

4 CYMERADWYO'R HYSBYSEB A'R DDOGFENNAETH AR GYFER RECRIWTIO PEDWAR AELOD ANNIBYNNOL NEWYDD I'R PWYLLGOR SAFONAU

Cyflwynwyd – adroddiad gan y Pennaeth Swyddogaeth (Busnes y Cyngor)/ Swyddog Monitro ar yr uchod.

Adroddodd y Cyfreithiwr (Llywodraethiant Corfforaethol) bod angen statudol i swyddi gwag ar gyfer aelodau annibynnol gael eu hysbysebu mewn dau bapur newydd lleol. Gall y Panel Dethol benderfynu ar unrhyw hysbysebu ychwanegol hefyd.

Trafododd y Panel yr opsiynau sydd ar gael o ran hysbysebu swyddi gwag a'r costau cysylltiedig a chytunwyd y dylid rhoi hysbyseb mewn dau bapur lleol am gyfnod o wythnos gyda dolen i'r ffurflen gais a'r papurau cefndir ac y dylid hysbysebu ar dudalennau Facebook a Twitter y Cyngor.

O ran y ffurflen gais a'r dogfennau cefnogi, roedd y Panel yn ystyried fod y cynnwys yn rhy feichus, ac y dylid tynnu rhai rhannau allan.

PENDERFYNWYD:-

- Cymeradwyo'r ddogfennaeth ddrafft yn Atodiad 1, i gynnwys dim ond y gofynion statudol.
- Awdurdodi'r Swyddog Monitro i hysbysebu'r swyddi gwag ar gyfer pedwar aelod annibynnol i'r Pwyllgor Safonau mewn dau bapur newydd lleol, am gyfnod o wythnos, yn dilyn gwyliau Pasg yr ysgolion ac i hysbysebu ar dudalennau Facebook a Twitter y Cyngor.
- Awdurdodi'r Swyddog Monitro i dynnu Atodiad B a C o Ran 3 y pecyn cais drafft.

5 CAU ALLAN Y WASG A'R CYHOEDD

PENDERFYNWYD mabwysiadu'r canlynol:-

“O dan Adran 100 (A) (4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem ganlynol ar y sail y gallai olygu datgelu gwybodaeth eithriedig fel y'i diffinnir yn Atodlen 12A y Ddeddf a'r Prawf Budd y Cyhoedd fel y cyflwynwyd nhw.”

6 CWESTIYNAU POSIBL AR GYFER CYFWELIADAU'R AELODAU ANNIBYNNOL I WASANAETHU AR Y PWYLLGOR SAFONAU

Cyflwynwyd – adroddiad gan y Pennaeth Swyddogaeth (Busnes y Cyngor)/Swyddog Monitro yn gofyn i'r Panel Dethol ystyried a chytuno ar gwestiynau cyfweiliad addas ar gyfer ymgeiswyr sydd wedi eu rhoi ar y rhestr fer, o'r meini prawf a fabwysiadwyd.

Rhannwyd rhestr o gwestiynau cyfweiliad posibl ar gyfer ystyriaeth y Panel. Byddai ymatebion y Pwyllgor yn cael eu trafod yng nghyfarfod nesaf y Panel Dethol.

PENDERFYNWYD:-

- Ystyried y cwestiynau cyfweiliad drafft ar gyfer ymgeiswyr a gyflwynwyd ac i gynnwys unrhyw ychwanegiadau/newidiadau gan y Panel er mwyn gallu penderfynu ar y cwestiynau cyfweiliad terfynol ac i adrodd yn ôl ar hynny yng nghyfarfod nesaf y Panel Dethol.
- Y Swyddog Monitro i drefnu dyddiad cau ar gyfer yr hysbyseb papur newydd ddiwedd Mai, a threfnu cyfarfod o'r Panel Dethol ar gyfer mis Mehefin er mwyn gallu llunio rhestr fer.
- Y Swyddog Monitro i anfon yr holl waith papur perthnasol at aelodau'r Panel Dethol cyn y cyfarfod; ar ffurf copi caled ar gyfer y rhai sydd angen.

Daeth y cyfarfod i ben am 10.40 am

**CYNGHORYDD MARGARET M ROBERTS
CADEIRYDD**